

## ليه جت آية الدعاء وسط آيات الصيام!!!

أَمجد سَمير

السلام عليكم ورحمة الله وبركاته. ربنا ذكر آيات الصيام في سورة البقرة. وفي وسط الآيات قالوا اذا سألك عبادي عني فاني قريب اجيب دعوة الداع اذا دعان فليستجيبوا لي وليؤمنوا - [00:00:02](#)

لعلهم يرشدون الآية دي مكانها غريب جدا في وسط الآيات. لو بصيت للآيات اللي قبلها كلها من اول الكلام عن رمضان. هتلاقي كل الكلام عن عبادة بتحصل في النهار اللي هي عبادة الصوم من اول قول ربنا سبحانه وتعالى يا ايها الذين امنوا كتب عليكم الصيام كما كتب على الذين من قبلكم لعلكم تتقون. لغاية الآية دي كلها بتتكلم عن الصوم اللي هو بيحصل - [00:00:12](#)

في النهار بعد الاية دي على طول هتلاقي الكلام عن حاجات بتحصل بالليل. احل لكم ليلة الصيام الرفث الى نسائك لغاية اخر الآيات فكلها كلام عن حاجات بتحصل بالليل. يبقى قبل الآية حاجات بتحصل بالنهار. بعد الآية حاجات بتحصل بالليل. وكأن هنا في اشارة يا جماعة في مكان الآية في وسط الآيات. اني - [00:00:34](#)

ارجى وقت لاستجابة الدعاء الوقت ده اللي بين النهار والليل تيجي الآية دي واذا سألك عبادي عني فاني قريب اجيب دعوة الداع اذا دعان فين ؟ بين النهار والليل. اللي هو امتى ؟ - [00:00:54](#)

وقت الفطار وعشان كده في الحديث ثلاث لا ترد دعوة منهم الصائم حين يفطر وفي الحديث الثاني للصائم عند فطره دعوة لا ترد الوقت ده بقى مش عاوزين نضيعه. عبادة ما ينفعش يعني لو رمضان ثلاثين يوم ففي ثلاثين مرة هتقعد وما ينفعش يبقوا تسعة وعشرين - [00:01:09](#)

دي دعوة لا ترد دعوة لا ترد. طيب ادعي بايه ؟ ادع باللي انت عاوزه. لكن النبي عليه الصلاة والسلام كانه بيوجهك لدعوة معينة ما ينفعش في اي يوم من الثلاثين الدعاء بتاعك يخلو من الدعوة دي ما ينفعش. يعني ادعي باللي انت عاوزه - [00:01:36](#)

لكن في وسط دعائك لازم تحط دعوة كده معينة. اللي هي ايه بقى ؟ في الحديث النبي صلى الله عليه وسلم قال لله عند كل فطر عتقاء وذلك كل ليلة يبقى عند كل فطر. كل ليلة ربنا بيعتق اناس او او يعني بني ادمين يعني بيعتقهم من النار - [00:01:54](#)

وحضرتك لك دعوة في الوقت ده مستجابة. ينفع يبقى في دعائك ما فيهوش ان ربنا يعتقك من النار. كأن النبي بيعششك. يعني بيقول لك ايه خل بالك انت لك دعوة مستجابة في الوقت ده. وخلي بالك لله في كل ليلة. في الوقت ده - [00:02:15](#)

عتقاء فانت لازم يكون في دعائك اللهم اعتقني من النار السلام عليكم - [00:02:33](#)